



M. Lorchs.


Ein Liedt  
vom Türcken ü. Antichrist.  
1568.





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1069 4°









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1069 4°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1069 4°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1069 4°



30<sup>II</sup> - 229  
DA BOX





LN 1069

M











**Ein liedt vom Tür-**  
**cken vnd Antichrist / durch Melchior Lo-**  
**richs zu Constantinopel gedicht / im Jar 1559.**  
**Izt im 1562. jar ausgangen. Mag gesungen wer-**  
**den in der Melodey / Erhör mein wordt mein red**  
**vornim / mein Köning Gott vnd Herre.**  
**Oder im Thon / Aus tieffer nott**  
**schrey ich zu dir / etc.**

**Item der Christlich Glaub / zu singen**  
**im Thon / O Mensch beweine die**  
**Sünde gros / etc.**





**D**rient vnd auch Occident / schlafft nicht thut  
recht erwachen / Septentrion / Auster / be-  
hendt / greiffst starck zu Krieges sachen: Dañ  
ir wert des innen werden / wie der Türck wil auff  
Erden / ein Herr sein aller Herren.

Denn er wil die welt sen sein reich / sein hütten  
hie zu bauwen / dann auff Erdt soll nit sein seins  
gleich / auff zeitlichs thut er trawen: Das wie in  
den Himeln oben / nicht / nur ein Gott zu loben/  
wil sein auff erdt erhoben.

Sein zorn von euch nit zu wenden / wil mit all  
seiner machte / auff alle seiten vnd enden / trüzig mit  
grossem prachte: Engstigen vnd zaghafft machen/  
mit seinen hauffen Drachen / zursüllen irn Ka-  
chen.

Vnmenschlich mit grossem gewaldt / vnd teuf-  
fels legionen / wil er stürzen grewlichen baldt / euch/  
vnd niemandt verschonen: Vil mit macht wider  
euch setzen / thut sein Schwert auff vns wegen / da-  
mit hart zu verlegen.

Schrecklich wil er sein ein Suldan / sein vr-  
sprung nimpt von Zynthen / durch Mahomet ein  
Soliman / von gschlecht der Ismaeliten: Dern  
Trost er ist / auch der Heiden / all reich der welt wil  
scheiden / solchs müßn wir von im leiden.

Mit





Mit höchster macht zu vbr ziehen/ alln fleis vnd  
kunst furwendet/ aus der welt reist viel Christen  
hien/ die er zum höchsten schendet: Mit den thut er  
triumphieren/ gleich wie mit wilden Thieren/ gang  
grawsam thut handtieren.

Grosmechtig/ reich/ schreibt sich Suldan/ ein  
Fürst der welt sich nennet/ Herr vnd gewaltiger  
Soliman/ vors höchst auff erdt sich kennet: Sein  
Reich ist auff dieser erden/ seins gleich mach nim  
mer werden/ als ein Gott in viel Ehren.

Frieden wil er das die beger/ vnd thun im gaben  
schencken/ die zu im sich nit wölln bekern/ wil sich  
mit lassen lencken: Vnd im stats zinsbar bleiben/  
so lang ers nit thut vertreiben/ darauff vmb fried  
müht schreiben.

Er schwert vns bey der mechtign Kron/ vnd  
höchstem sein vermügen/ bey des Himels Stern/  
Sün vnd Mon/ nach aller welt vergnügen: Bey  
allm dem vnd ihrem leben/ alls das lebt vnd thut  
schweben/ wölln vns kein frieden geben.

Vnd bey dem Houbt Mahometi/ nach Türck  
scher art vnd weise/ schwert ie Suldan Solima  
ni/ aus seiner Pfaffen geheise: So wahr ein Gott  
thut regieren/ der im nicht lasse verlieren/ wölle vns  
gefangen füren.

A ij

Gros



Groß Opffer vnd groſſe gaben / alle Welt  
reichtumb vnd ſchätze / alls das was Chriſten ha-  
ben / das Römisch Reich mit trake: Des Stedte  
Landt vnd Leute / wil gebn Mahomet zur beute/  
wans vns Chriſten ausreuten.

Chriſtlich all Chriſten merckt mich recht / vnd  
wolt gedültig hören / all die ihr ſeid vom Chriſten  
gſlecht / Gots wort mit laſt verſtören: Die da die-  
ſen namen führen / welln güetlich mercken / ſpüren /  
des ich hie thue berühren.

Gog vnd Magog ſein vor der handt / die gew-  
lich toben wüeten / in viel Landen mit mord vnd  
brandt / des fromme herzen blüeten: Ein Ruet  
drawt vns Gott der Allmechtig / gwaltig vnd auch  
ganz prechtig / der welt gar ſehr erſchrecklich.

Menſchlich blindtheit / keßeren / liß / furwiß aus  
falſchem grunde / erweckt den Abgott Antichriſt /  
ohn Gots wort ſelbſt erfunden: Leichtfertig her-  
zen verführet / Chriſtlichen glauben probieret: mit  
lügen er ſich zieret.

Der gewlichſt abfall iſt komen / in der leßten  
welt zeite / der Menſch der Sünd angenommen / auff  
erdt all Landt ſo weite: Das Kind der ewigen ver-  
derbung / der Widerchriſt vnd ſein werbung / hebt  
ſich wider Gots Erbung.

Über



Über alls was Gott ist bekandt / thut sich mit  
gwaldt erheben / im Tempel Gottes will sein ge-  
nandt / seins willens hie zu leben: An statt Gottes  
stelt sein namen / thut sich auch der warheit scha-  
men / verführt die welt allsamen.

Leysterlich viel menschen dichten / Teuffels einge-  
bung lehre / falsch Gottesdienst Gott vernichten/  
verkern sich jmer mehre: Frembde Götter in erwe-  
len / ware Gottes ehr sie stelen / damit den from-  
men quelen.

Dieses thut Gottes ruet erwerben / der Herr  
kan viel gedulden / laßt sie die ganze welt verderben/  
als wirs omb Gott verschulden: Weil wir vns zu  
Gott nicht keren / seiner auch nicht begeren / so mus  
der Türck vns lehren.

Schrecklich auch der Türcken Alten / mit fleiß  
solln wirs wol mercken / in kegeren / greuel behal-  
ten / vnser Sünde das stercken: All Heidnisch reich  
daben bleiben / die Christen ausgetriben / sich auch  
Gottes ruet geschrieben.

Darumb Du gang Christenheit / wach auff  
mit grossem schalle / vnd sich dich omb gang weit  
vnd breidt / auff das dein Reich nicht falle: Nach  
ein Christlichen König gut / der da hab eines Leu-  
wen muth / schütz dein Ehr Leib Guds vnd Blodt

73

A iij

D Her



**D** Herre Gott du hast gewaldt / das glück nu  
zu vns wende / den glückseligen Kriegsman baldt /  
deim armen heüfflein sende: Zu deiner Christlichen  
gemein / vnd ganz elendes Kirchlein klein / das bit-  
ten wir von herzen fein.

**E**rweck vns Herr ein David schon / der vns er-  
lösz zuhande / vnd schlag diesen Philister Sohn /  
das doch werd ganz zu schande: Der Goliath mit  
sein anhang / der vns thut gros vñ schwere drang /  
welchs nu hat geweret lang.

**R**ichte nu Herr Gott die Erden / kum mit dem  
Jüngsten tage / das wir bald erlöset werden / im  
augenblick sie schlage: Dis gar böses Volck behen-  
de / Gott mache doch baldt jr ende / vns nim in dei-  
ne hende.

**B**ehüete Herr deine Christen / da sie sein in alln  
Landen / vor all Tyrannischen listen / auff erdt in  
schweren banden: Auch vor den Mahometisten /  
vor Gleissner vnd Sophisten / vom vbel thue vns  
fristen.

**W**ir alle wollen ewiglich / mit herzen / Seel  
vnd munde / allzeit auch auff diesem erdtreich / mit  
kressen alle stunde: Dich ewigen Vater loben /  
auch Christus im Himmel oben / im Heiligen Geist /  
Amen.

Der



## Der Christlich Glaub.

**W**ir glauben all an einen Gott / der durch  
sein wort erschaffen hat / die Welt / Himmel /  
vnd Erden / Er sich vns geben hat / wil sein /  
ein Vater / Gott / vnd Herr allein / wir seine Kin-  
der werden : Göttlicher ardt vnd bildtmuß guet /  
wir sein im armen Fleisch vnd Bluet / all ewig gü-  
ter Erben : aus gnad vnd gros barmhertzigkeit /  
hilfft vnd erhelt vns auch allzeit / vnd last vns nicht  
verderben.

Wir glauben auch in Jesum Christ / sein Eben-  
bildt vnd Sohn er ist / ihm gleich von macht vnd  
ehren : Aus Maria der Junckfrauw rein / geboren  
Mensch ohn Sünd / allein / vom heilligen Geist /  
zum Herren / Mittler vnd Heilandt aller Welt /  
menschlich geschlecht da durch erhelt / für vns am  
Creuß gestorben : Vnd auffstanden von dem  
Todt / damit erlöst aus aller noth / vns gnad bey  
Gott erworben.

Wir



Wir glauben in den Heiligen Geist / Gott mit  
dem Vater wirt gepreist / zugleich als mit dem  
Sohne: Ein heilig Christlich Kirche rein / ge-  
meinschaft der Heiligen fein / darinn vnd bey er  
wonet: Erkundet in vns sein licht vnd glanz / alle  
Sünd vergebung wirket ganz / heiligt vns all-  
samen: Das Fleisch vom Todt soll aufersthen /  
zu Gott ins Ewig leben ghen / durch Jesum  
Christum / Amen.

und wir glauben in den Heiligen Geist / Gott mit  
dem Vater wirt gepreist / zugleich als mit dem  
Sohne: Ein heilig Christlich Kirche rein / ge-  
meinschaft der Heiligen fein / darinn vnd bey er  
wonet: Erkundet in vns sein licht vnd glanz / alle  
Sünd vergebung wirket ganz / heiligt vns all-  
samen: Das Fleisch vom Todt soll aufersthen /  
zu Gott ins Ewig leben ghen / durch Jesum  
Christum / Amen.

1069



